



ARUBA ANSE COURANT



Diario



pa Aruba



INSTALA AIREACON-
DICONADO NA BO

cas AWOR!

Tel. 2170



Anja 23

DIA MARS 24 OCTOBER 1961

No. 4173

Awe y majan eleccion di L.S.P.B.

SAN NICOLAS — Papel di votacion pa e eleccion anual di un directiva pa Lago Sport Park lo tin diez-un candidato kende lo competi pa cinco puesto bashi. E eleccion ta dura dos dia, awe y majan, 24 di oktober y 25 di oktober.

E cinco candidatonan cu gana lo cohe puestonan cu a bin habri ora cu M. Reyes, J. Briezen, R.E.A. Martin, J. Kock y R.Q. Kemp a eha di sirbi dos anja caba. Tur e candidatonan aki ta corre atrobe. E seis candidatonan otro ta R.A. Chin-A-Loi, H. Geerman, F.A. Gibbs, C.J. Maduro, N.L. Swaen y W. Wong. Di e diez-un, sr. Geerman ta un candidato pa peticion.

E oranan di vota ariba tur dos dia lo ta for di 6:30 a.m. te 5:30 p.m. Carchinan di vota lo worde entrega na tur empledadon cu por vota na principio di e promer periodo di trabao dia 24 di oct.

Lo tin diez-dos lugar pa vota. Empledadon por vo'a na unda nan ta gusta. Lugarnan di vota lo ta na hospital lunch room No. 1, lunch shelter

cerca di General Services shops; edificio di entrementamento di Industrial Relations pa zuid di Garage, test na Portia 8 na porta di Lago Heights, Zone 2 lunch shelter, test na Safe y Field Center, lugar di warda bus na Portia 2, lunch shelter pabao di Marine Post Office, lunch shelter pariba di Carpenter Shop, lunch shelter na Zone 1 bieuw, concrete block shed y lugar di warda na Portia 3.

E candidatonan ta: J. Briezen di Process-C&I.E. futbol y basketball; R.A. Chin-A-Loi di Accounting Service Division, ciclismo y atletismo; H. Geerman di Accounting-Shipping & Process, atletismo; F.A. Gibbs di TSD-Engineering, baseball y futbol; R.Q. Kemp di Lago Police Department, futbol; J. Kock di Mechanical-Machinist, futbol, baseball y softball; C.J. Maduro di Executive Division, baseball; R.E.A. Martin di Mechanical-Administration, cricket y baseball; M. Reyes di Mechanical-Electrical, tennis, volleyball y futbol; N.L. Swaen di TSD-Engineering, baseball y futbol.

HUMA NEWPORT e cigaru meathola den pakel blauw color di m. Caribe.

CONCURSO MUSICAL ENTRE TRIONAN LOCAL

ORANJESTAD — Dia 12 di november proximo e concurso entre Trionan local lo tuma lugar den Commandeursbaai Club na Savaneta. Diferente trio a inscribi eha pa e concurso musical aki, entre otro Trio Olgeros, Trio Los Amigos, Trio Los Romanceros, Trio the String-Brakers, Trio Los Luceros del Alamo, Trio Antillano, Trio Los Virreyes, Trio Hermanos Sanchez y Trio Elegantes.

Lo tin diferente sorpresa pa e publico cu presencia e concurso, asina e organisador a informa nos. Tur Trio cu ta desea cordialmente pa e titulo di Campeon di Aruba 1961-1962 ta keda cordialmente invita pa acudi serea e organisador sr. Addison Cross. Tambe nos a keda informa cu dia 26 di november proximo lo tuma lugar un concurso di Citha di Orgel cu Wiri.

E Trio cu sali campeon durante e concurso den Commandeursbaai Club dia 12 di november, lo bai competi na Corsow pa e titulo di Campeon di Antillas.

Tanquero mas chikito

Tanqueronan di tur tamanja y descripcion ta registra e Lloyds. E tanquero mas chikito di Esso tin e nomber prozaico di Esso 37. E buque di 130 tonelada peso morto ta propiedad di A/S Petrolia y ta worde usa den trafico costal na Noruega. Compara su largura di ochenta y cinco pia cu esun di Esso Aruba of su rumanan, Esso Köln y Esso Noruega. E tresan aki e tanqueronan mas grandi di Esso cu ta nabega ta 740 pia largo y ta manda como 47,450 tonelada peso morto. Esso 37 tin solamente diez-ochu pia na su chanchura mas grandi y ta manda menos cu nuebe pia di awa den verano. E gigantenan di Esso tin poco mas cu 102 pia di chanchura y ta manda como treinta y ocho pia di awa den verano.

Soldanan Mericano arma a drencia Oost Berlijn

BERLIN 24 okt. — Pa di prome biaha soldanan Mericano arma a drencia den Berlin Oost, pa companja un funcionario Mericano altu, cu nan a tene na e frontera di sector. Un teniente y ochu homber di sector militar a traspasa e frontera di sector dos biaha pa companja e sub hefe di e mision Mericano na Berlin, Lightner.

Lightner, cu tin e rango di embajador, a bai diasabra anochi cu su esposa den auto na Berlin Oost. Na e frontera di sector polis di Berlin Oost a detene y nan kier pa e muestra su papelnan. El

ball, y W. Wong di TSD-Engineering, basketball.

Ofician di SPAC lo ta oficina principal di eleccion, telefon 2646. Miembronan di e Junta Electoral lo ta J.A. Bislik, A.W. Brokke y V.C. Thomson.

HOMENAJE NA ROSARIO DURANTE LOF DEN MISA NA SAN NICOLAS

SAN NICOLAS — Diasabra anochi durante Lof den Misa di Santa Teresita na San Nicolas, muchanan di Meuterschul lo duna un homenaje na Rosario. Esaki ta promete di bira un ceremonia emocionante.

Diabierne anochi den mes un misa e misterion doloroso di Rosario lo ser introduci door di Trio „Las Campanas“ cu canto y acompañamiento di guitarra.

Riba e delaster diadomingo di oktober, dia di fiesta di Cristo Rey, tur clubnan juvenil di e parokia lo asisti den e misa di San Nicolas na misa mayor cu lo cuminsa pa 8 or y mei di mainta. Atochi pa seis or y mei lo tin un ceremonia especial pa tur e miembronan di clubnan juvenil den misa di Santa Teresita. Despues lo tin un celebration den club Don Bosco pa tur e miembronan.

GLASNAN DI LIONS CLUB ARUBA A YEGA

ORANJESTAD — Glas di propaganda di Lions Club na Aruba a yega. E glasnán ta worde bendi na fl. 1.— pa uno, na siguiente direccionnan: Na Playa serea Berlinky, Botica del Pueblo, Posner Agencies, No. 1 Store, La Venezolana, y Winceo. Na Santa Cruz serea Santa Cruz Bar; na San Nicolas serea Viana, Berlinky y Raibo Bakery.

E producto di venta di glasnan ta pa yuda e fondo di caridad di Lions Club na Aruba.

SALUDOS FOR DI HULANDA

ORANJESTAD — Diasabra lo tin e acostumbrado programa radial di saludos for di Hulanda via Radio Kerkboom pa 6:45 or pm. Esnan cu lo por ser seucha ta Bueli Herrera, sr. A. Wille Richardson y Charles Romney. E mesun programa lo keda ripiti diasabra proximo pa binti pa shete.

CRITICA DI PRAWDA RIBA PROYECTO MERICANO

MOSKOU 24 okt. — „Prawda“ e organo di e partido comunista den Union Sovietica, a haci critica riba e proyecto Mericano, pa pone un nubia di 350 millon angia di koper den un orbita rond di mundo como objeto pa comunicacion.

Bow di e titulo „Merica ta seucha e espacio mundial“ e conat ta corda riba e protesta en e president di e academia Sovietica, Keldish, a manda na e gobierno Mericano, segun Keldish „West Ford“ ta un experimento anti ciencia, cu por tin consecuecians peligrosas pa viaje nan den espacio.“

DECLARACION CIENTIFICO DI PROF. THERNOE

COPENHAGE 24 okt. — Prof. K.A. Therno, cu ta en concecion cu e laboratorio pa astronomia di e universidad di Copenhagen, a declara cu e cientificonan Danes ta para „Sceptico“ en frente di e proyecto.

Nos tin miedu principalmente cu radio astronomia lo sufrí bow di e experimento aki, cu probablemente nan ta haci pa finnan militar.

CUATER PERSONA A MURI NA ARGEL

ARGEL 24 okt. — Na Argel cuater persona a muri y diestres a resulta herida. Un hom cu nan a tira den un bar a mata Mahometano y e herida shete persona, di cual cinco Europeo. Durante un tiroto for di dos auto nan a mata un Mahometano y herida cinco. Den un otro bar un boni a explota y herida Europeo.

FUTBOL **FUTBOL** **FUTBOL**

ARUBA VOETBAL BOND
ta presenta
Awenochi pa 7.30
den WILHELMINA STADION
HOLLANDIA JR. vs. RIVERPLATE JR.
(Junioren)

Pa 8.30 p.m.
HOLLANDIA vs. NOORD-CENTRAL
(B-klasse II)

Entrada Fl. 0.50

FUTBOL **FUTBOL** **FUTBOL**

Palabranan di Yazid den conferencia di prensa

TUNIS 24 okt. — E minister di informacion den e gobierno Argelino en exilio Yazid, a anuncia den un conferencia di prensa na Tunis cu dia prome di november nan lo tene demostracion pa un algeria independiente. Pa lora ta e frontera di liberacion e demostracionnan aki lo ta di un caracter pacifico.

Prome di november lo ta cuminsamento di un accion organisa y disciplinario, pa convence Europeanan cu e unico formula cu ta garantisa un futuro na Algeria ta cu cooperacion fructuoso di dos pueblo den un estado independiente, asina Yazid a bisa.

El a declara cu for di dia di ocupacion di Alemannan den ultimo guerra Paris no a reconoce detencionnan masal ni

nera actualmente nan ta haciendo cu e Argelino nan na Paris.

MAJOR MIDE Y 2 SOLDADO NA LIBERTAD NA KATANGA

ELISABETHSTAD 24 okt. — E autoridaddan di Katanga a laga e comandante di e campo Suceo na Elisabethstad, major Ulf Mide, y dos soldado Suceo di e fuerza di guerra di Nacionnan Uni trobe den libertad.

Nan a arresta nan dos dia pasa.

EXPRESION DI NKROEMH Y OSMAN

ACCRA 24 okt. — E president di Ghana, dr. Kwame Nkrumah y e president di Somali, Abdoellah Osman, a expresa nan mes pa un federacion di estadonan independiente di Oost y Central Africa.

Den e comunicado cu nan a duna Ghana despues di e hisita di president Osman nan ta expresa e speranza cu e federacion aki lo ta un basis fiho pa formamentu di un union mas grandi di estadonan Africano independiente, loke mester ta e intencion di tur agrupacionnan regional. Tur dos e lideran di estado a expresa e speranza, cu na fin di otro anja lo no tin mas colonialismo na Africa.

AUTORIZACION PA GOBIERNO CHINES

TAIPEH 24 okt. — Gobierno di Kwomintang a autoriza gobierno di China Nacionalista pa no haci uso di su derecho di veto contra admision bulten-Mogile na Nacionnan Uni. E reunion na cual nan a tuma e decision aki tabata presidi pa Mariscal Tsjan Kai Sjek.

Di fuentenan diplomatico ta informa, cu gobierno Mericano ta na altura di e decision di gobernacion di Kwomintang.

DEMOSTRACION GENERAL NA ARGEL

ARGEL 24 okt. — Den hopi pueblo y ciudad di Argelia nan a demostra pa nan pone Ben Bella, e vice premier di e gobierno Argelino en exilio, den libertad. E Francesnan a cohe presu 5 anja pasa. Un gran forza di polis, trupanan di seguridad y militar nan ta haci warda den e barrioman Europeo di e ciudadnan di Argelia.

INSTITUTO DANES GEODETICO A REGISTRA EXPLOSION FUERTE

TOKIO 24 okt. — E instituto meteorologico Japonés no a registra na e ora 13:45 ora Hulandes ningun explosion.

E instituto Danes Geodetico a registra un explosion en ta 4 bez mas fuerte cu esun di seis di oktober. (Nan a haci e dia ei un prueba cu un bom di varios megaton) e servicio Frances a pa registracion di explosionnan nuclear, a registra na banda di 9:52 ora un explosion masha fuerte. E lugar tabata Nova Zembla. Tres ora despues nan a registra e onda di presion di aire pa medio di un barograaf, door di cual a resulta cu nan a haci e prueba den aire.

NA JANUARI PAREJA REAL TA HACI 25 ANJA CASA

DEN HAAG 24 okt. — E secretaria-toutan priva di su mahestad La Reina Juliana y Su Alteza Real Prins Bernhard a anuncia lo siguiente: „Dia shete di Januari lo ta 25 anja pasa, cu su mahestad La Reina y Su Alteza Real Prins Bernhard a contrae matrimonio.“

I pareja Real ta prefera, en concecion cu e temporada actual, pa laga

CONSEJO DI KENNETH KEATING NA MERCA

NEW YORK 24 okt. — E senador Mericano republicano, Kenneth Keating a bisa den un transmision Mericano di television cu nan mester invita ir. Alekssei Golobch, ken su decision pa keda na Occidente a causa dificultadnan entre Hulanda y Rusia, pa bini Merca pa haci investigacion di radiacion.

E senador a bisa cu e autoridaddan Mericano mester haci algo pa segura nan mes di e servicion di ir Golobch na baseamento di medianan pa combati e peligro di radio actividad.

40 REACCIONARIO ARRESTA NA CAIRO

CAIRO 24 okt. — E minister di asuntunan interior di Egipto, a anuncia cu nan a arresta cuarenta reaccionario y nan colaboradornan of simpatizadornan.

Ademas estado di Egipto a pone beslag riba finannan di 167 capitalista. Den e decision decreta pa e minister nan ta anuncia ademas, cu nan a haci e muestacionnan pa kura tur posibilidad di actividad for di reaccionarionan.

Un otro motibu di e decision ta „segura e ventanan di revolucion.“

E actitud aki di e minister di Egipto di interior ta bini despues di e declaracion cu president Nasser a haci dialuna.

EXPLOSION FUERTE A SER REGISTRA NA

STOCKHOLM 24 okt. — E observatorio Suceo na Upsala a declara cu nan a registra un explosion fuerte, cu observadornan ta kere cu por ta e bom ruso di 50 megaton.

E semiografanan di e observatorio a registra banda di 9 or 35 ora local e explosion na un distancia di 2100 km, den e territorio di Nova Zembla.

No por ta imposibel, cu ta trata di e bom di 50 megaton, segun e observatorio.

e celebracion oficial tuma lugar na continuation di celebracion di anja di La Reina dia 30 di april 1962. La Reina y Prins Bernhard tin intencion pa dia 29 di april mainta asisti na un misa na Amsterdam y atardi nan lo haci un paseo oficial door di ciudad. Dia prome y dos di mei su Mahestad La Reina y Prins Bernhard ta pensa pa invita nan famianan, conocinan y amiguan pa celebracion personal di e boda di plata. Dia 3, 5, 7 y 8 di mei nan lo bishita tur capitalnan di e provincia. Naturalmente esakinan tur lo ta bishitanon cortien. Ademas cu e pareja Real na Hulanda lo haci regalacion en concecion cu nan boda di plata, nan lo duna aki na Antillas y tambe na Surinam un suma pa trabownan na bienestar di hubentud.

ESTADO DI SITIO NA BOLIVIA

LA PAZ 24 okt. — Gobierno di Bolivia a proclama estado di sitio na La Paz, capital di e pais. Esaki a sosede despues cu demostracion contra aumento di tarification di medianan publico di transport a consta bida di dos persona, mientras cu bini a keda herida. E aumento tabata un consecuencia di alyamento di prijs di gasolin cu 75 porciento.

E demostrantenan, cu tabata dirigi pa gruponan di estudiante, a bolter dos auto. Ademas e demostrantenan a acaca e edificio di e federacion di chauffeurnan, y a destrui e edificio completo. Actualmente gobierno di Bolivia ta considera pa sigi cu e aumento di prijs di gasolin. E aumento aki a causa cu e tarification di taxi y bus mester a subi.

NOBO DJE DANJO DI „BANCA“

ST GEORGIA 24 okt. — Segun e donjo di „Banca“ solamente tin definitivo dos victima, 5 ta dos miembro di tripulacion, tur dos ta Italiano. Entre e pasaheronan no tin ningun victima.

Den circunonan di gobierno Frances nan a bisa cu e perspectivnan entre Francia y e rebelde Argelino pa un acuerdo riba fundamento pa paz na Argelia y biba pacifico ban di otro a melhora.

Nan a basa e observacion aki riba e declaracion di Yazid den e conferencia di prensa.

„Bianca C“ cu emigrantenan a bira victima di vlamnan

ST. GEORGE'S 23 okt. — Mas o menos 300 pasahero, major parti for di Venezuela a bandona na St. George's riba e isla di West India Grenada y vapor Italiano di pasahero „Bianca C“ des-pues cu a desenfrena un cuendto grave abordo.

Nofticianan di numero di victimanan ta contradictorio. Reuter ta bisa cu un matros a muri di su heridanan quima. Tambe cu a perde un otro miembro di tripulacion. Ocho miembronan di tripulacion a herida heridanan leve. Dje pasaheronan noticianan ta bisa cu tur ta sano i salvo. Sin embargo AFP a participa cu tin 3 morto denter di e pasaheronan. „Bianca C“ a ser considera como perdi despues cu ayera candel a ser descubri den machinekamer.

E vapor, tabata na muelle di St. George's capital dje isla Grenada na West India. „Bianca C“ tabatin 360 pasahero i un tripulacion di 303 persona abordo. Major parti dje pasaheronan tabata Venezolano, cu tabata na camina pa Gran Bretania como emigrante i luego Italiano i Portugiesnan.

E tripulacion a trata na paga e candel a alomenos dom'ia esaki, pero pronto nan mester a stop nan esfuerzonan i bandona e vapor. Como cu e vapor tabata ancla na un distancia di dos milja for costa tabata imposible di paga e candel a for orilla. Den hal di Saint George's nag no tabata

discepi di den machinekamer. E candel a extende su mes masha rapidamente. Pero danki Dios pa e ayudo inmediato di otro vapornan i tambe como e hendenan abordo no a drenta un situacion di panica, un catastrophe por a ser evita.

E vapor, tabata na muelle di St. George's capital dje isla Grenada na West India. „Bianca C“ tabatin 360 pasahero i un tripulacion di 303 persona abordo. Major parti dje pasaheronan tabata Venezolano, cu tabata na camina pa Gran Bretania como emigrante i luego Italiano i Portugiesnan.

E tripulacion a trata na paga e candel a alomenos dom'ia esaki, pero pronto nan mester a stop nan esfuerzonan i bandona e vapor. Como cu e vapor tabata ancla na un distancia di dos milja for costa tabata imposible di paga e candel a for orilla. Den hal di Saint George's nag no tabata

discepi di material flotante pa paga candel.

Explosion

Net ora cu un grupo di pasahero a bandona e vapor pa bai terra, a re-sona un explosion den machinekamer. Inmediatamente despues e luga a cohe candel a cual a extende rapidamente. Sin panica e pasaheronan a bandona e vapor cu ayudo di un gran cantidad di boto cu a bin presta nan auxilio. E vaporetionan cu tabata corre masha libe bai bini a sahi di biba tur pasaheronan na terra den un corto tempo.

Poco bagage

E poblacion a procura pa alojamiento dje pasaheronan, kendenan practicamente no a hanja ocasion di salba aida, di nan bagage mas. Denter di algun ora „Bianca“ tabata tur na candel.

E vapor aki a ser traha na anja 1950 pa cuenta di un compania Frances. Na anja 1958 el a bai over den manan di naviero Giacomo Costa di Genova cu a larga reconstrui e vapor aki completamente. E tabatin acomodacion pa 1200 pasahero.

„Bianca C“ a bandona Genua dia 9 di october i a yega (La Guaira) Venezuela dia 20 dje luna aki. Dia 21 di october el a cuminsa su viaje di regreso.





Corda cu esun cu busca esey por hanja hopi cos... pero lo e no hanja FELICIDAD.

Rosemarie.

Apreciable Rosemarie,

Rosemarie, mi ta un muher casa di 44 aña. Mi tin dos yiu. Mi esposo ta bati comportele semper masha bon cu mi pero den ultimo tempo e ta bira indifrente pa mi. E ta bini cas laat anochi, e no ta busca mi caricia y mucho menos e ta hiba nos bida matrimonial manera antes. Rosemarie, ta comprende mi? Mi no sa ta kiko a pasa den mi cunela. Mi ta salu, mi ta stinele mes tanto, mi ta cuida mi curpa, nos cas y juman. Mi no a haci nada pa perde su carino y mi no sa nada cuenta di un otro muher. Ora mi papia cu mi esposo e ta papia gewoon, pero masha friu cu mi. Mi tin rabia cu mi mester humilia mi pa pidi' poco carino. Pesey mi ta sufri tur cos, y mi ta jora den silencio pa motivo di su trato indifrente y strango. Dia pa dia e ta bira mas un stranjero den cas pa mi. Kiko mi haci, Rosemarie? Yuda mi por fabor!

Un esposa.

Un esposa, Mi amiga, talvez bo esposo tin cuakier cos ta molest'e. Por ta un otro enfermedad? Por ta algo cu ta fastioso na su trabao? Por tin cuakier mucha muher ta haci su bida yen di luche? Ta un consejo so ni por duna bo, mi amiga:

Papia sinceramente cu bo esposo, mescos cu bo a selbi mi. Esey no ta nada di humillacion. Dos hende casa mester tin un union masha grandi, cu ta yuda nan pa papia TUR COS cu otro. Masha esposo cu bo ta sufri hopi pa e frialdad y pa e indiferecia. Bisele e tanta bo ta kiko ta pasando. Kiko cu ta boso dos buntu por luche contra. Cuakier trouble, enfermedad, mucha muher etc., etc. ta bira menos pisa, si boso dos coopera cu otro y yuda otro. No keda keto, mi amiga, papia awe mes.

Rosemarie.

LOQUE F. J. KERR A BISA

LONDEN 24 okt. — F.J. Kerr, e radio astronomico di e organizacion pa researchnan científico y industrial di e mancomunidad, a bisa cu Merca a viola dos resolusion di e union científico internacional, door di haci e proyecto aki. E científiconan tin miedo cu si e experimento aki tin exito anto nan lo pone un circulo mas grandi di agua den orbita rond di mundo, y esaki lo haci observacionnan mas difícil, segun Kerr.

NOTICIANAN DIFERENTE DI WASHINGTON

WASHINGTON 24 okt. — Casa Blanca a ricibi e noticianan cu Union Sovietica por a laga un bom nuclear di 50 megaton explota esceptico. E informacionnan cu e gobierno mericano a ricibi „ta diferente". Nan ta supone cu e explosion ta menos fuerte cu esun cu nan ta spera di un bom di 50 megaton.

Tantu e ministerio di defensa ingles como e comision britanico pa energia atómica a declara „cu nan no ta na altura di tal explosion. E servicio frances pa redistraccion di explosionnan nuclear a ninga di anuncia oficialmente cu e explosion ta esun di e bom di 50 megaton.

Plan di 7 punto

E.U. lo entrega N.U. un plan cu ta consisti di siete punto pa cooperacion y paz den espacio cosmico. Segundo minister Harlan Cleveland a anuncia e plan aki durante un comida na universidad di St. Louis.

E plan ta consisti di e siguiente punto-

1. Estipulacion formal cu e doctrina di Nacionnan Uni ta aplicable na tur territorionan di investigacion den espacio cosmico.
2. Un declaracion cu riba espacio y cuerponan di espacio no por haci pretension di soberanidad.
3. Un sistema internacional pa registra tur objetonan cu nan a manda den espacio.
4. Un unidad especialisa pa espacio cosmico den secretariado di Nacionnan Uni.
5. Observacion di tempo pa medio di satelitanan y otro técnicanan nobo.
6. Un investigacion comun riba e manera cu humanidad por influencia temperatura.
7. Un sistema mundial di satelitanan di comunicacion y pa establece den henter mundo comunicacionnan di radio television y telegraf.

Occidente ta fuerte

E minister mericano di exterior, Rusk, a bisa den un transmision di television Mericano cu occidente ta fuerte, y cu Chroestief mester sa esaki. Occidente no ta busca contactu cu Union Sovietica pa delibera over di Berlin y Alemania como un grupo cu un posicion debil.

Rusk a bisa tambe, cu no ta berdud cu e posicion di Occidente e delaster tempo aki a bira mas fuerte, manera nan a bisa. Den e delaster tempo aki segun su opinion no tabatin ningun cambio di punto di vista di Occidente.

Rusk a yama e disposicion di Chroestief pa susencho pa e firmamento di un tratado di paz entre Rusia y Alemania Oost, mas lihe un bon cos, cu un mal cos loke ni referi un reglamento razonable. Ni Rusk no tabata di acuerdo cu e embahador di Alemania Occidental na Washington, kende dos siman pasa a bisa cu e conversacionnan di Rusk cu e minister ruso di exterior, Gromyko, tabata un paso patras. Segun Rusk e conversacionnan aki tabata solamente pa hanja aclaracion den cierto asuntunan.

Merca a lanza raket nobo

Merca a lanza un midas den un orbita rond mundo cu mester plama un nubia di 350 millon angua di koper den un orbita rond mundo. E nubia mester debolbe ondanan di radio.

Cientificonan di diferente pais a bai contra e plan aki pasobra nan tin miedo cu e anguanan lo stroba e investigacionnan radio astronomico ora cu nan plama den espacio.

E consejero di president Kennedy den asuntunan di ciencia apesar di e critica a duna orden pa checuta e plan.

Si despues di esaki nan manda un segundo set di e nubianan den espacio, asina nan ta declara den circulo Mericano, anto e ora ey trafico radioden henter mundo lo ta posibel riba ondanan cu te awor aki nan no por a usa pa distancianan largu.

Despues nan a anuncia, cu na mas o menos un altura di 3300 kilometer e raket a cuminsa segun plan, plama e anguanan. Segun nan ta calcula lo duradiferente dia prome cu pa medio di radar nan por stipula si plamamentu di e anguanan a bai segun nan a calcula.

SUPER EFICIENCIA POSIBLE PA MOTOR DI AUTO DI FUTURO

Motornan di auto dos vez mas eficiente cu esnan den e actualidad a bira ta teoricamente posible. E posibilidad di e motornan super-eficiente a worde anuncia recientemente pa Murray H. Edson di Esso Research and Engineering Company.

Sr. Edson a crea un modelo matematico di un motor ideal y cu ayudo di un calculador electronico el a studia kiko por worde spera di e motor aki si su ratio di comprension worde hiza for di e efrand di awendia te banda di 300 pa uno.

E ratio di comprension ta e medida general di eficiencia y potencia di un motor — mas halto e ratio di comprension, mejor e motor ta traha cu un dado cantidad di combustible. E ratio promedjo di comprension di auto cu ta worde traha na Estados Unidos awendia ta 10 pa uno.

Segun sr. Edson, „Nos a para na e ratio di comprension di 300 pa uno solamente como un cuestion di conveniencia. En efecto, ta parece cu teoricamente no tin un limite na aumento di eficiencia di motornan di combustion interno”.

Sr. Edson a acentua cu maske motornan di eficiencia grandemente mehora ta matematicamente posible, lo tuma largo tempo prome cu nan lo por worde traha.

(Esso News)

YABI

pa bo exito

Ta acepta YABI lambe na: Oranjestad San Nicolas

BOEKHANDEL MARISKA UNION STORE

Pa tur articulos di oficina
Na prijsnan competente. — Acudi na BOEKHANDEL MARISKA

PRONTO - PRONTO AMSTEL

Lo ricibi 6 diferente tipo di glas di propaganda LICORES ARUBA N.V.
Tel: 1094 (dilanti di Neme)

MI AMIGONAN CORDA 'RIBA
● CHOMON LAUNDRY
na Santa Cruz. Pakiko hal leuw si Chomon t'ey mes?

CEMPRO N.V.

Wayacka - tel. 2444
PA TUR BLOKKI PREFAB
BALKI RIBA BENTANA
CEMENT DI PRIMERA CALIDAD

Laga nos duna bo un demostracion cu e tape-recorder portatil SIERA cu nos a caba di ricibi.
CASA ELECTRONICA
(Banda di Viana) - Tel. 5371

Pa entrega rapido y te na trabao pa blokki di cement na tur tamanjo, acudi serea:

Firma Marcial G. Tromp
Anasastr. (Dakota) - Tel. 1341-2346

MI TA BAI SERCA

PETRONA & CROES

pasobra aya mi por laga proyecta mi plannan di cas y calcula e gastonan y pasobra.....

K. LOONSTRA

DAKOTA - Tel. 1575
Ta bendes slang pa muba mata y carhon pa blacksmith.

Pa bo huel un peinado hunita bo cabei mester di un hun cuida!!
Bisita
SELMA'S KAPSALON
Boerhaavestr. 12 Oranjestad tel. 2750

NOBO NOBO NOBO

Nassaustraat 34
Nos a caba di ricibi: Un coleccion preciosa di tela pa cortina, cu un hanchura di 46 inch. Tela di daeron den color ilso y en disenjo masha hunita. Pan de sole pa bruidsmesjes. Telanan den color nobo.

Bo auto ta fada bo? Bo mester spera lunanan largo pa banja un muffler? Of peor ainda..... ho auto mester keda pa algun tempo den garashi pa falta di pieza?

ANTO
percura pa bo siguiente auto ta un
AUSTIN
AGENTS:
CORSOW:
Próspero Baiz Co. Inc.
ARUBA:
Warenhuis v. d. Ree
La Victoria

CONSECUENCIA DI BRINGAMENTU NA KIGALI

KIGALI 24 okt. — Como consecuencia di e bringamentunan entre miembroman di e tribunan Watoosi y Mahootoe, nan a corre cu mas di 50.000 habitante di Ruanda for di nan viviendanan, asina nan a tende den e capital, Kigali. Mas di 10.000 a hui bai Kongo y Oeganda. E dunamentu di auxilio ta pone e autoridanan Belgico, y tambe e catoliconan y e puestonnan di mision protestant, dilanti problemanan grandi, pasobra e fondonan ta agota.

TA EXPLOSION OF TEBLOR!!

UTRECHT 24 okt. — Segun ANP a tende, tambe e seismograaf di KNMI na De Bilt a registra entre 9.50 ora y 9.55 a registra vibracionnan ne vibra cionnan aki ta pone bo pensa riba un temblor di terra. Mas o menos un anja pasa KNMI a registra explosionnan di abombom na Nova Zembla, mas esakinan ta mas debil cu esnan cu nan a hanja.

Barafillo di
●
SHANGHAI STORE
San Nicolas
muchanan!!
caballeros y
pa damas,
SAPATO
Vlael uso di e chens aki!

Chesterfield Restaurant y Bar

„E mihar lugar pa come”
Haci nos un bishita y GOZA di e euminda delicioso, tambe nos ta sirbi tur clase di bebida.
Tel. 5109 (enfrente Wimco) na San Nicolas.

Pa furamento di bo
AUTO, STOEL,
MATRAS, etc.
Bo mihor adres ta
RUIZ
UPHOLSTERY
Ostad - tel. 2257

Pa haci un ocasion special,
BERDADERAMENTE SPECIAL
nada mihor cu un bouquet di
JARDIN CARIBE
TEL. 2660

Tur loke bo mester pa mantene bo jardin necbi, e.o. slang, chapl, sker halado etc. nos tin

di e mihor calidadnan.
Antillian Hardware Store
Oranjestad - San Nicolas

E GLASNAN BUNITA A YEGAI

Pa cada compra di fl. 20.— bo ta hanja completamente gratis UN BUNITA GLAS DI PROPAGANDA. (Corda reclama bo cash-slip.)

PARADERA STORE Y RUM SHOP Tel. 2693

Make your kitchen SPARKLE!

and "do-it-yourself" with the fabulous new PLASTIC decorating material

You can't make a mistake with it! It's SELF-ADHESIVE STIX! If you place it wrong, just lift and apply again! Once you try it, you'll want to use it on everything — on walls, closets, vanities, hampers—a thousand places in every room in your home. It's washable, waterproof and stain-resistant.

SELF-ADHESIVE STIX

72 COLOR AND DESIGN COMBINATIONS

PANAMA STORE
SAN NICOLAS TEL. 5131

20% CORTA AKI

„CASA HAIME”
(GOTTFRIED)

VENTA ESPECIAL PA SOLAMENTE 2 DIA
DIARAZON 25 Y DIAHUEBS 26 DI OKTOBER

20% DI REBAHA CU E CUPON AKI Ariba:

SHIMIS PA DAMAS, SLACKS, BLUSA,
PEDAL PUSHER, SHORTS.

Corta e coupon aki y presentele na „CASA HAIME” pa bo 20% di rebaha.
PROBECHA E CHENS UNICO AKI!!

20% CORTA AKI

20% CORTA AKI

„CASA HAIME”

20% CORTA AKI

KNSM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIPS NAME	AT ORANJESTAD	FROM	TO
MEDON	26/10	New York, Curacao	Venezuela, Trinidad, New York
SCHURBEK	28/10	Europe, Curacao	Venezuela
DAPHNIS	28/10	Gulf, Venezuela	Trinidad, Venezuela, Europe
PALAMIDES	28/10	Europe, Curacao	Cristobal, W. Coast South Am.
OTTA	29/10	Europe, Curacao	Colombia, Europe
HESTIA	29/10	Italy, San Juan, Colombia	Coracao, Europe


CISCO KID

1. „Ahlihh”. El a desmaya dico haci? 2. „Frega su manan. M ta bai busca awa”. 3. „Esaki. Trece awa”. 4. „Aa awa aki”.



JUAN EL INTREPIDO

1. „Bo Altea ta descuidando su debernan di gobernante pa hanja yuda nos... mi n' sa si esey lo ta bon”. „Hasta nos principiantan ta bandona e razon, ora cu nos corazon ta impera... Bo ta asina ocupa cu bo no a ripara mes. Mico Syn?” 2. „Aho ta esun kende tin mi akinan a nda, pordena mi mi modanan di oriente”. „Mi kler sa si den ho curazon bo por uni cu mi... y goberna na mi lado... yuda mi duna nos pueblo un bida nobo”. „E cos ta cu mi ta traha masha Pihon”. 3. „Ah, conque cu ta asina nos principe ta protege su pueblo e noticia di e alianza aki cu occidente mester bisa Nam Syn”.



TRES CLUB DI AVB A PIDI PALABRA LIBER

(Di nos redactor deportivo)

Na directiva di Aruba Voetbal Bond, tres club afilia na e Bond ey a dirigi un carta pidiendo pa un punta ser agrega na e agenda di e Reunion General Extraordinario convoca pa diavie avar den Wilhelminastadion pa trata e asunto entre Aruba Jrs y A.V.B. E agenda segun reglamento a ser stipula door di directiva di A.V.B. y ta consisti di tres Apertura, Tratamiento di e caso entre Aruba Jrs y A.V.B. y Clausura.

E tres clubnan miembro di A.V.B. cu a pidi pa un punto ser agrega ta Aruba Jrs, Dakota y Juventud Millonarios.

Loke e clubnan aki a pidi pa ser poni riba e agenda tambe ta "Palabra Liber", un punto cu generalmente ta ser poni riba agenda di reunionnan.

Den articulo 24 lid 14 di e Huis-houdelijk Reglement di A.V.B. tin stipula cu por lo menos tres club tin e derecho di laga pone proposicion, mocion of pleguatas riba e agenda di un Reunion General, con tal cu e peticion aki ser haci por escrito y ser participa por lo menos un siman promer cu e Reunion General na directiva.

Siman pasa diahuebs dia 19 di oktober e peticion por escrito firma door di e tres clubnan ya menciona a word entrega na directiva di A.V.B.

Y esaki no ta algo cu por depende

riba gracia di e directiva, pero ta un derecho cu e clubnan por eherce. E unico condicion cu nan mester cumpli cu ne ta e limite di tempo pa haci tal peticion por escrito. Y cu esaki a word cumpli ora cu siman pasa diahuebs e carta a ser entrega na Secretario di A.V.B.

Asina ta cu pa e reunion general extraordinario di diavie avar lo tin un agenda di cuatro puntos.

Lo ta unicamente "rumores"?

Den e dianan aki ta circulando atrobe tur clase di rumor en relacion cu e mes cuestion entre Aruba Jrs. y Aruba Voetbal Bond.

Tin rumores cu mescos cu promer cu e reunion general anual cu a eligi e directiva actualmente sinta diferente club ta teniendo reunionnan di contacto pa tuma medidanan diavie avar. Tambe tin rumor cu dos

miembro di directiva di A.V.B. ta pensando masha seriamente di tumar un retiro. No ta falta a clasico di forma un mocion di desconfianza den e actual directiva diavie avar loke asina lo obliga tur e noche senjoranan cu actualmente ta den directiva di A.V.B. tuma nan retiro.

Tambe tin cu un miembro di directiva di A.V.B. tin intencion di pidi e sponsornan di programanan deportivo na radio pa stop e programanan aki.

Otro rumor ta cu e clubnan mes cu a eligi e actual dirigencianan ta sumamente desapunta y cu nan te basta a acerca algun persona cu por ta interesa den tuma puesto den un directiva avar.

No ta falta naturalmente algo di e otro banda di e storia, esta cu algun a lo menos uno di e miembronan di e actual directiva di A.V.B. ta acudiendo personalmente cerca diferente di directiva di clubnan afilia na A.V.B. buscando un apoyo pa impone un castigo of expulsion na Aruba Jrs.

Pa un hecho cu ora tin tanto rumor asina ta circulando, mayoria ta resulta di ser nada mas cu "rumores", pero tog algun di nan ta resulta algo cierto.

Practicamente tur persona sinembargo cu nos tende comenta riba e asunto aki ta completamente di acuerdo cu un barco pega door di directiva di A.V.B. lo no por tin como consecuencia un castigo, aunka con leve cu e por ta pa Aruba Jrs. E poco nan cu ta pensa cu tur club mester obedee cuakier cos cu directiva di A.V.B. trata di impone siendo cu esaki ta contra di reglamento, ta persona cu ta biba un concepto masha pober di nan propio derechonan.

Esun cu mester a obedee den e caso aki ta e propio directiva di A.V.B. Nan mester a obedee, respecta di acepta e decision di Comision di Apelacion, e instancia di mas halto den nos organisacion futbolistico. Y ta e directiva cu mester duna ehempel di obediencia, respet y aceptacion di un decision di Beroepscommissie, ta esun cu a nega di acepta e decision di Beroepscommissie.

Aruba Jrs. a libra un batalla husto den e asunto aki y tur cos tabata indica cu e Juez den prome instancia lo a duna nan razon. Gracias na e oportuno cambio di idea den directiva di A.V.B. un decision di e Juez a word elimina. Y tambe naturalmente gracias na e dispuesto cu e abogado di Aruba Jrs. tabata den ke acepta un acuerdo cu e directiva di A.V.B. pa asina evita un decision di e Juez.

Cu tur esaki loke nos ke bolbe bisa ta cu loke a word logra door di Aruba Jrs. ta algo sumamente beneficioso pa tur club di A.V.B. ya cu e Comision cu a word eligi pa tur e clubnan di A.V.B. den un Reunion General ta bolbe hanja e prestigio, e respet cu e merece y cual e clubnan



a dune na momento di deposita nan voto.

Esaki no ta un caso den cual mester word huzga cu si Aruba Jrs. ta sportief of no riba tereno, cu si Aruba Jrs. tin hopi hungador na Arubiano den dje of no, cu si Aruba Jrs. ta di Playa, Noord, Westpunt, Socotora of Seroc Colorado. Ta un caso den cual e consecuencia mester word teni bon den vista. Mester word teni bon den vista ta ki paso a provoca otro.

Rencor of odio ta sentimentonan cu no mester por hunga un rol den heeter e asunto aki. Ta cuestion di un cierto derecho y mescos cu e biha aki a toca e club di Socotora, den un proximo ocasion por tog uno di cuakier otro barrio di nos isla.

POLIZNAN FRANCES INVESTIGACION

PARIS 24 okt. — Polis Frances ta buscando e hendenan cu a manda cartanan na hendenan rico na Riviera, na unda nan ta cobranan un belasting di 2.000 te 10.000 franco nobo pa eherito secreto. E cartanan ta contene amenasanan contra esnan cu lo comete traicion of cu nan boca ta mucho los. Poco despues cu nan a ricibi e cartanan a yega un cobrador di belasting na nan porta.

RUSIA A RECHAZA PROTESTA OFICIAL DI HAPON

TOKIO 24 okt. — Union Sovietica a rechaza un protesta oficial di Hapon contra e prueba nuclear di 50 megaton cu e rusionan tin intencion di haci tin di e luna aki. Di fuertenan Ruso nan a bisa, cu mester dirigi e protesta na Occidente pasobra ta occidente ta responsable pa reanimacion di e prueba nuclear.

COMENTARIO DI "NEW YORK TIMES"

NEW YORK 24 okt. — New York Times a scribi en conexion cu e di 22 congreso di e partido Ruso Comunista, cu actualmente nan ta tene na Moskou, entre otro: E impresion general cu nan ta hanja, ta un di un tension economico y politico na Union Sovietica.

Esaki ta poco creible cu premier Chroestief lo por cumpli cu su promesa, cu na anja 1980 Rusia lo ta un paisa pa biba den. Esaki no ta kita cu Rusia Sovietico avar aki ta mas fuerte cu e tabata antes den tempo di Stalin.

NOTICIA DI SURNAM

Diez cas na rifa

PARAMARIBO — E Sociedad Diaconessenarbeid Suriname lo rifa diez cas. E producto dje rifa aki ta pa fondo pa e sociedad por continua su trabao. E casnan en ainda mester word construi, lo ta di tres camber. Lo tin 10.000 lot en lo costa fl. 5.— pa cada uno.

Partida nobo

E cantidad di partidanan politico na Surinam denter di poco tempo lo aumenta cu uno mas. Nomber dje partido nobo lo ta: Partij van de Nationalistische Republiek.

Sres. mr E. Bruma, F. Moll y E. Gesel ta esnan cu a hanja e encargo pa lamta e partido aki. E persona delaster menciona a ninga sinembargo di acepta e encargo y tambe a nega e puesto di president. Sres. Bruma y Moll durante e periodo di formacion dje directiva general lo keda encarga cu e directiva.

A perde den mondi

Un mucha homber di 14 anja cu ta biba den e pueblo di bosneger Wanbati, cu ta situa banda di e rio Cottica, a ser descubri completamente agota banda di oost-west-verbinding.

Despues di a perde camina den mondi grandi, el a camina cuater dia largu, y pa puro suerte a bin yega na e oost-west-verbinding. E hoben tabata asina zwak cu nan mester a hibe hospital inmediatamente.

Aqui nos ta hanja nos den imprenta na Culpeper (Virginia), unda na a Hoold-redacteur Walter Potter (directo) y un homber di prensa banda di dje ta tira un bista riba e semanario Culpeper Star Exponent. Potter quene a pasa casi enter su bida na asintunan di corant, a funda e semanario aki miche anja pasa. E tin na su disposicion 16 persona cu ta traha fulltime work na e corant aki. Su intencion ta di bacie muy pronto diario, de la manera cu asina lo e por presta su servicionan mas mehor na beneficio di humanidad.

PERSIA LO UNI E SIETE PAISNAN CONTRA EXPLOSION NUCLEAR

TEHERAN 24 okt. — Persia a uni na e siete paisnan cu lo entrega un resolucion, den cual nan ta insisi na Naciones Unidas, pa hanja un peticion na Rusia pa nan bandona e plan pa haci un prueba cu un bom nuclear di 50 megaton. Asina un portavoz di e ministerio di exterior di Persia a anuncia.

HULANDA—HUNGRIA 3-3

BOEDAPEST 24 okt. — E onena Hulandes di futbol a logra un empate sorprendente riba e equipo di Hungria e partido tabata valido pa preeliminatorio di campeonato mundial na Chili. Na sosiegu e score tabata 2-2 tras di anotacion di Van der Linden (dos biaha) pa Hulanda y Monostori y Goeroecs pa Hungria.

Despues di sosiegu Henk Groot a baci e score 3-2 na favor di Hulanda y finalmente den e ultimo cuartu di ora centro delantero Tichy a anota e tanto di e empate pa su equipo pa haci e score final 3-3.

TEMPESTAD A AZOTA ITALIA

ROMA 23 okt. — E danjo cu e multempan a haci den e dos delaster dianan aki den sur di Italia y na Sicilia, nan ta calcula riba mas o menos 240 millon florin. Mas di dos mil persona a keda sin cas. Lugarnan grandi a keda te ainda bow di awa. Y na varios caminda no tin comunicacion. Na Ragusa, na unda a muri siete otro hende, segun noticiaman, te ainda nan ta busca pa otro victimanan.

KRUSHEV A MENAZA ALBANIA DEN SU DISCURSO

BELGRADO 23 okt. — Radio tiranan a bisa cu e partido di comite central di tiradornan di Albania (comunista) a duna un declaracion na unda nan ta ataca Chroestief fuertemente pa motibo di su declaracionnan riba Albania den e congreso Comunista.



ARIES

21 Maart — 18 April



TAURUS

20 April — 20 Mei



GEMINI

21 Mei — 21 Juni



CANCER

22 Juni — 22 Juli



LEO

23 Juli — 23 Augustus



VIRGO

24 Augustus — 23 September



LIBRA

24 September — 23 October



SCORPIO

24 October — 22 November



SAGITARIUS

23 November — 21 December



CAPRICORNUS

22 December — 20 Januari



ACUARIUS

20 Januari — 18 Februari



PISCES

19 Februari — 20 Maart



Aunke cu no ta bo hacir, sinembargo ta cosnan cu ta existi. Cuidao cu redashi. E ta bini,



Duna bo jioe ora e jega for di school un glas di
OVALTINE
y algun
OVALTINE biscuits
Muchanan ta guste y e ta jen di vitamina, loke bo jioe mester.

BISCUITS
OVALTINE



De hagelwitte as van 'n Ritmeester...

Maar de as vertelt u niet alles.
'n Ritmeester moet u roken!
Steek zo'n geurige Fiat op en u weet wat 'n Ritmeester geeft!

FIAT

elk Ritmeester merk een meesterwerk
IMPORTRICE:
E. & G. MARTIJN (ARUBA) LTD. TEL. 1492—1493

EL DIARIO DE UNA VIDA

1. „Baq mirá anto pa cabas, 'a tuma parti den e concurso ey?.. Y mi a gana. m'a gana na Devon, hon ta contento di tende esey?.. 2. „Bisa mi un cos, e ta un concurso cu bo mester bisti un zwempak?.. „E zwempak no ta suficiente. Julieta, nan ta exigí tambe... PREPARACION!.. 3. „E ruidonan cu e snikmento cu m'a tende den bo cuarto... ta un parti di e preparacion?.. „Si, papa, bo sa cu mi fuerte ta un drama!..



PEPITA

1. „Lorenzo lo bo hira rico si bo sigi hanja... cos barata asina?.. 2. „Lo mi warda \$ 5. den raad di mi sombre. \$ 10.— den mi baba... 3. „kico bo tin di conta mi dje placanan cu b'a gasta?.. „Ta oke bo ta spiar ta haci bo rico?.. „Pero ami no sa ta quico mi ta gasta... 4. „No, loke mi ta gasta!..

